

Хоодт көг тавлгънд өөдән чинр өгхмн

Яшалтинск района 105-ч номертә совхоз хө өсклгънә әрки чинртә төрт, хөбнд эртәр искусствени көг тавлгънә кергт оньган ик тату өгчәнә. 1958 джил үвләр хөн төл авлгънас оln зүсн учрар зулад күцәцхәсн уга, эрт хаврар төл авлгън, белдвр муугъин учрар, дала гарута болв. Тер оот татус ода чигн давтгд-джана.

Эдн ик гилгәр оратдж, хөбнд көг тавлгънд орлцх хуцмудан отарас йилгъв. Ах хөбч ұр Попка Д. Г. йилгъсн 5 хуцмудтан өвсн тарвс хойрас оньгдан хот өгхш. Энүг үзә бәәдж, совхозд малин концентрированн болн талдан чигн джөблн шимтә хот күсдундур джилдән күрм бәәсн бийнь, эн фермин ах зоогехник ұр Бембеев, хуцмуд сәәнәр асрдж, искусствени көг тавлгънд белдлгъ кеджәхш.

Искусствени көг тавлгънд нәәднр хөд белдлгън чигн му йовна. Ода бийнь кесг отар-

мудар хургъд әкәсн салгъгддж-ахш, көгшн шүдн уга болн хургъан теджәдж чадшго, ұрнәкә көктә хөд чигн йилгъгдәд уга.

Көг тавлгънд орх нәәднр хөбдин чинән дундинас өбдән болхла, тиим хөд көг тавлгънд сән орна, тер цагт әднә фермәр көг тавлгънә көдлмшиг 15—20 өдрин әргид төсглж болхмн. Көг тавлгънд чинән сәәтәгъяр орсн хөбдин хургъднь чигн бат, джйргът сәәтә болна. Эн тоотд совхозин специалистнр чигн чинр әс өгчәх учрар, хөбдт көг тавлгънд белдврин көдлмш әдн йир муугъар кедж йовна.

Эн совхозд искусствени көг тавлгънә хойрхн пункт бәәнә. Теднь чигн күтц ясгәд уга. Хур орхла, эн пунктсин дееврәснь усн дусна, гәзад бийнь шалддж, цәәлгъгдәд уга.

Д. СЕРГЕЕВ,

Таньгъчин селәнә әдл-ахун управленә ах зоотехник.